

Bummolini-Garde.



Schnitzelbank 1926

Melodie: Pfannefligg

1. Mr sin Fassadeschmieriee,
Vom „Schtrübli“ proteschiert.
Mr läbe-n-us em Portmonee,
Vom Kunschtgredit serviert.
Mr mole nyt, mr sin viel z'fuul,
Mr hän nyt anders ass e beeses Muul.
2. s' het n'aime-n-e Hindli d'Dollwuet gha,
Druff gryft dr Unger y:
's muess jede Hund e Gratte ha
Und fescht abunde sy.
E Muulkorb dät e mänggem guet:
Er dät nit gaifere-n-in ainer Wuet.
3. Dr Viggtor-Emil wär zue gärn
No lenger Schtänderot;
Er fahrt gar schregglicg gärn uff Bärn,
Wil 's „Byro“ besser goht.
Si blose Dir dr Rickzugsmarsch, —
Viggtor, Du hesch mainaidig Bäch am A
4. Dr Aemmer isch e grosse Ma,
Das isch unzwyfelhaft.
Und d'Nazi het jo gschrybe gha,
Was dä nit alles schafft.
Doch 's Volgg das isch nit uff dr Lym
Und pfyft uff sälle-n-Aemmer-Wämmer-Rym.
5. 's het ain dr Baslerschtab benitzt
Zue hinterlischt'ge Zwägg,
Drno isch d'Nazi fascht verschpritzt,
Si rysst sich um dr Drägg.
Si grindet 's Tagblatt in dr Wuet
Und sait: 's Tagblattpapier das syg au guet.
6. Dr Waichkäs und dr V. E. S.,
Dr Bummi und dr Fritz,
Drzue dr Osgi Schäreles,
Das sin fimf! - Nundeplitz!
Si schachere mit em Volgg, persee,
Ass wä're's Jude-n-und ass giengs um's Veh.
7. Dr allerneischt Polypetrigg
Isch jetz in Basel Gsetz:
Me sait uff Ditsch dr „sens-unique“,
Und 's isch e kaibe Hetz.
Ihr dätet lieber d'Schtrolche foh,
Ass sone Grosschtadtbleedsinnsfurz abloh.
8. 's Glaibasel het e glaini Baiz,
Wo Fähne-n-usehänggt,
Druff sehsch e glaine Tschinggefeuz,
Wo an kai Gable dänggt.
Im Tramburini, däm Faschist,
Gfallt's nit, wenn aine-n-ohni Gable frisst.
9. Ins Elsass haut's jetz mänge Ma
Und hamschteret druff los.
Er kauft, dass er's kuum trage ka,
Und frisst sich digg und gross.
Und schlaift er haim si Hamschtersagg,
Do sehsch, das isch Valutalumpepagg.
10. Dr neishti Schplyn vom Kunschtgredit
Isch dr Andreasplatz.
De kasch jo sage, was de witt,
So Gschichte sin fir d'Katz.
Zahlt's Volgg ächtsch Schtyre nur fir Eich?
Und fir dr Kunschtgreditlergiggelsaich?
11. Viel Gäld koscht au die Rhyschiffahrt:
Wenn's numme-n-ebbis nitzt!
Uns druggt efangs dr Gluubis hart,
Wo derte wird verschpritzt.
Dr Mieschler goht dert hitzig druff
Und macht e „Schtellvermittligsbyro“ uff.
12. Mr brächte-n-Eich gärn no meh Värs,
Doch sin si e bitzli wiescht.
Me weiss halt nit und meeglig wär's,
Ass ain drin ummeniescht.
's letscht Jahr het au e Pfaff sich gmuggt
Und het im Fasnachtsgaischt ain ynedruggt.